

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 45. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 4/24) i Plana korištenja sredstava posebne naknade za zaštitu i spašavanje za 2024. godinu u Zeničko-dobojskom kantonu broj: 02-11-3102/24 od 16.02.2024. godine, na prijedlog Kantonalne uprave civilne zaštite, Vlada Zeničko-dobojskog kantona, na 26. sjednici, održanoj dana 10.05.2024. godine, d o n o s i

ODLUKU

o odobravanju sredstava na ime pomoći Gradu Visoko, Općini Žepče i Općini Vareš radi izvođenja preventivnih radnji i saniranja šteta nastalih prirodnim nepogodama

Član 1. (Predmet)

Odobravaju se sredstva Gradu Visoko i općinama Žepče i Vareš na ime jednokratne novčane pomoći za izvođenje preventivnih radnji i sanaciju šteta nastalih tokom prirodnih nesreća poplava, klizišta i drugih prirodnih nepogoda u ukupnom iznosu od 327.000,00 KM (slovima:tristotinedvadesetsedamhiljada konvertibilnih maraka) iz sredstava Budžeta za 2024. godinu, sa pojedinačnim iznosima kako slijedi:

- a) Grad Visoko - 150.000,00 KM (slovima: stotinupedesethiljada konvertibilnih maraka) - sanacija puta u naselju Dubrave, sa izgradnjom fekalne i oborinske kanalizacije;
- b) Općina Žepče - 150.000,00 KM (slovima: stotinupedesethiljada konvertibilnih maraka) - sanacija i rekonstrukcija puta u MZ Željezno Polje (Balačići - Biljevina);
- c) Općina Vareš - 27.000,00 KM (slovima: dvadesetsedamhiljada konvertibilnih maraka) - saniranje potpornog zida usljed klizanja tla u gradskom groblju „Stogić“.

Član 2. (Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), sa razdjela 14 - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 615100 - kapitalni transferi drugim nivoima vlasti, funkcionalna klasifikacija 320 (namjenska sredstva).

Član 3. (Uplata sredstava)

Pripadajući dio sredstava iz člana 1. ove odluke uplatit će se na depozitni račun Grada Visoko, Općine Žepče i Općine Vareš, a koristit će se za namjene utvrđene u članu 1. ove odluke.

Član 4. (Potpisivanje Sporazuma)

Zadužuje se Kantonalna uprava civilne zaštite da izvrši potpisivanje Sporazuma sa gradom/općinama kojim će se regulisati međusobna prava i obaveze između Uprave i Grada Visoko, Općine Žepče i Općine Vareš za sufinansiranje projekata.

Član 5. (Provođenje odluke)

Za realizaciju ove odluke zadužuje se Kantonalna uprava civilne zaštite i Ministarstvo finansija, svako u okviru svoje nadležnosti.

Član 6.
(Izvještavanje)

Zadužuju se grad/općine da izvještaj o utrošku odobrenih sredstava iz člana 1. ove odluke dostave u roku od 180 dana od potpisivanja Sporazuma Kantonalnoj upravi civilne zaštite.

Član 7.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-9085/24

Datum, 10.05.2024. godine

Zenica

PREMIJER

Nezir Pivić

DOSTAVLJENO:

1x Kantonalna uprava civilne zaštite,
1x Ministarstvo finansija,
1x Grad Visoko, putem Uprave,
1x Općina Žepče, putem Uprave,
1x Općina Vareš, putem Uprave,
1x „Službene novine Zeničko-dobojskog kantona“,
1x a/a.